



Contidos:

CSIF vaines pagar a extra de 2013	1
CIG non está disposta a asinar un acordo para a devolución de parte da paga extra de 2013 que a Xunta xa está obrigada a aplicar	2
AS COUSAS GÁÑANSE LOITANDO	3
As mentiras de Feijóo	4

CSIF vaines pagar a extra de 2013

Obviando as innumerábeis sentenzas gañadas pola CIG e as necesidades preelectorais, confunden goberno, partido e sindicato

A Administración anuncia que vai devolver a parte devindicada da extra de 2013 toda neste ano, despois de amagar con pagala en dous anos.

Isto débese fundamentalmente ás seguintes cuestións:

1. **A CIG ven gañando múltiples sentenzas**, como podedes ver na web da Cig-Autónomica.
2. O obxectivo da liña seguida pola CIG de presentar demandas xudiciais en todos os ámbitos tanto laborais (Administración Xeral, SERGAS, ensino, entes, etc) como territoriais era tratar de conseguir unha posterior extensión de sentenza, xa que no caso do persoal funcionario non existe a vía do conflito colectivo, para o cal, unha vez gañadas, teríamos a oportunidade de que a Xunta tivese que aceptar esa extensión.
3. **Unha vez que a Xunta se ve obrigada a pagar, prefire**, ante os procesos electorais que este ano lle poden pasar factura ao goberno autonómico que máis recorta dereitos de todos, **facen pasar isto como iniciativa propia** máis que como froito de ser vencido pola CIG nos tribunais.
4. E en vez de pagalo recorre á estratexia de intentar conseguir apoio sindical para algo que cando o recortaron non precisaron ningún apoio.

Neste “complicado” proceso, para poder devolver o que as sentenzas gañadas indican, o Partido Popular, centra, e CSIF remata de cabeza en propia meta anunciando que a Xunta vai pagar porque alcanzaron “un acordo”.

Un “acordo”, que como medida electoral prevee pagar as extras completas no 2017, algo que o PP ven anunciando dende hai tempo, incluso antes de aprobar estes Orzamentos Xerais, **porque saben que non van repetir e que os compromisos os leva o vento**. E nada din da recuperación completa das extras do período 2013-2016, nin de recuperar o resto dos dereitos laborais.

Así, neste mercadeo, CSIF chega a pedir que en vez de pagar o 50% en dous anos que paguen o 70% neste (pouca ambición), a Xunta comprométese a pagar o 100%, e saen á palestra, nun exercicio esquizoide donde xa non saben se falan como CSIF ou como PP anunciando que conseguiron que se nos pague un terzo do específico da extra de xuño de 2013. Obviando por suposto as sentenzas gañadas pola CIG.

Fantástico!! Grazas PP...digo CSIF



@CIGAautonomicaOU



<https://www.facebook.com/CIG.Autonomica.Ourense>



ourense@cigadmon.org

Web: <http://autonomica.cigadmon.gal>

Parque de San Lázaro, 12 – 4º andar

Telefono: 988 233 850

Fax: 988 222 855

CIG non está disposta a asinar un acordo para a devolución de parte da paga extra de 2013 que a Xunta xa está obrigada a aplicar

Como xa tiña anunciado, a CIG non asinou o acordo coa Xunta de Galiza de pagar a parte devindicada da paga extraordinaria do ano 2013, porque non se trata de ningún dereito a negociar, senón dun dereito recoñecido por múltiples sentenzas xudiciais gañadas pola central sindical, que a Xunta ten a obriga de executar. Para a CIG este acordo non supón máis que unha escusa para o goberno de Feijoo poder realizar outro anuncio electoralista.

A derradeira proposta trasladada por Función Pública aos sindicatos contempla o pago da parte devindicada (xaneiro e febreiro) do complemento específico da paga extra de xuño de 2013 durante o ano 2016. Porén, a Área Pública da CIG (Administración, Ensino e Saúde) reitera que non se trata dunha esmola que a Xunta lle regala ás empregadas e empregados públicos en ano de eleccións, senón que se trata dunha parte do salario indebidamente subtraído polo Goberno de Núñez Feijoo ao conxunto do seu persoal.

A CIG non asinou o acordo sindical pois, como xa anunciara, só está disposta a negociar un texto que recolla o pagamento integro do complemento específico e demais complementos dos anos 2013/14/15/16 (tal e como se lle ten proposto á Xunta en innumerábeis ocasión a través dun Plan de renegociación da débeda salarial), a recuperación de dereitos retributivos, laborais e sociais e a restitución de acordos sectoriais.

Pos iso, volveu reclamar á Xunta de Galiza que cumpra a súa propia Lei de Orzamentos do ano 2013 e pague integramente; e de forma inmediata, o que os xulgados están recoñecendo como dereito a percibir: a parte da paga extraordinaria devindicada dos meses de xaneiro e febreiro do ano 2013. Ademais demanda que fagan efectivas as sentenzas gañadas polo persoal e que non está efectivizando a Xunta de Galiza.

Sobre isto, denuncian o carácter electoralista deste acordo, que nin sequera pasou polos órganos de negociación, senón que se presentou en Comisión de Persoal, algo que ao entender da voceira da CIG-Área Pública, Maricarme López Santamariña, demostra “as presas do goberno de Feijoo por darlle publicidade nos medios”.

As Federación de Ensino, Saúde e Administración Pública consideran unha falta de respecto cara as empregadas e empregados públicos que a Xunta continúe adiando as súas obrigas e teña a ousadía de incluír no texto do acordo un punto que especificamente contempla que a Xunta se “compromete a recuperar na Lei de Orzamentos para 2017 as dúas pagas adicionais do complemento específico ou retribucións equivalentes”.

Un compromiso que López Santamariña lembra xa se anunciara o pasado ano durante a negociación dos orzamentos para 2016, que xa está recollido na propia Lei de Emprego da Xunta e que se poña nun acordo algo que está recollido en múltiples disposición parécenos cómico e ridículo”. Por outra parte non recolle sequera recuperar definitivamente a totalidade da paga extra.

A CIG tamén rexeita a actitude das organizacións sindicais presentes na mesa xeral que si asinaron este acordo, pois supón avalar as políticas de recorte da Xunta, entrar no xogo propagandístico do PP e asumir os recortes tanto salariais como de dereitos laborais padecidos polo persoal das administracións públicas galegas ao longo destes anos.

A Área Pública da CIG considera que é inaceptábel que se traslade a un acordo que “a sinatura do presente documento non implica para as organizacións sindicais asinantes a renuncia ás demais reivindicacións que poidan formularse ante a Xunta de Galiza”. “O que faltaba! Acaso cabería preguntarse se se ten que pedir permiso á Xunta para reclamar os nosos dereitos ao recollelo nun acordo”.

A este respecto, cómpre lembrar que se a Xunta de Feijoo se ve agora forzada a reintegrar un terzo da paga extra de 2013 non é porque exista vontade política, senón porque se ve obrigada despois de moitas sentenzas gañadas pola CIG que viñan mesmo impoñendo o pago de costas á administración.

A Área Pública de CIG segue pois reclamando as pagas extras completas dos anos 2013/14/15/16; a recuperación de dereitos retributivos, laborais e sociais e recuperación de acordos sectoriais.



A loita sindical ten moitas vertentes, dende a máis primaria e directa, como é manifestarse na rúa, escrachas, etc... pasando polas típicas recollidas de sinaturas, cartaces, queixas, escritos..., até a demanda xudicial, que é de onde provén esta novidade, esta proposta a “motu propio”, que semella que parte da grandísima boa vontade da Administración, sempre velando polos nosos intereses e que agora nos vén dicindo que nos vai pagar un cachiño da extra de 2013, unha parte do complemento específico. Pero a verdade é que nola pagan porque, no seu momento, meteron a pata até o fondo aprobando un recorte salarial nos orzamentos de 2013 en marzo, cando xa levabamos un par de meses de ano. Aprobaron os orzamentos tarde e agora teñen que apoquinar con isto.

De aquela chapuza veñen estes ingresos, daquel recorte dos nosos complementos específicos, que aínda non cobramos nas extras actuais -un claro agravio comparativo con respecto ao persoal do Estado e dos concellos- temos agora unha nova argucia electoral para os catro titulares de prensa que buscan e que agora xa teñen. En fin... España va bien! dicía o outro...

Logo da presentación de multitude de sentenzas, logo que de que o conflito colectivo do persoal laboral da Xunta obtivese unha sentenza favorable no Superior de Xustiza de Galiza no ano 2014 e que a Xunta, erre que erre, o levase ao Supremo co obxecto de atrasar todo o posible o inevitable e sen máis expectativas que gastar os cartos da cidadanía en reclamacións estériles xudicialmente pero moi frutíferas desde o punto de vista político. Logo que de moitas funcionarias e funcionarios chegaron até a xulgado a reclamar o que era seu, cando caían unha por unha as sentenzas favorables nos xulgados.... Agora vannos pagar.

Como colectivo traballador que somos, temos que ter claro que as cousas conséguense loitando, non queixándonos nos cafés. Se fose así non teríamos nin a cuarta parte dos dereitos que temos nin tampouco, dese xeito, conseguiremos recuperar todo aquilo que nos roubaron.

Dende aquí, queremos facer un recoñecemento público a todas e todos aqueles que presentaron reclamación contra este recorte, que puxeron a cara por todas e todos nós. Os primeiros en presentar estas reclamacións foron as compañeiras e compañeiros da CIG-Ensino, e dende hai ano e medio, dende que no ámbito dos Servizos Centrais, a CIG-Autónoma de San Caetano decidiu iniciar unha campaña que se chamou “Reclama o que é teu (se queres)”, dende aquela, ducias e ducias de funcionarias e funcionarios presentaron unha reclamación en vía administrativa. Perto de 50 destas acabaron nos xulgados de Compostela, algunhas aínda están pendentes de resolución, e todas, unha por unha, foron caendo ao noso favor.

Agora xa é indiferente e case é o de menos se eses 150 ou 200 € de media que nos van pagar vai ser neste ano ou en dous prazos, realmente, cremos que iso é o de menos. Porque o obxectivo principal, que nos pagaran a parte devindada da paga extra de 2013, aquilo que nos propuxemos dende a CIG con esta campaña, no seu momento, está logrado.

Pero ollo! Non nolo regalan, é noso. E para rematar, unha pequena reflexión: Pagaríannolo igual se non se tivese loitado antes? Agora xa non o podemos saber, saberémolo no seguinte recorte...

As mentiras de Feijóo



Agosto de 2012 tras convocar eleccións autonómicas Feijóo di:

*Solo un día después de anunciar el anticipo electoral, el presidente de la Xunta, Alberto Núñez Feijóo, se ha comprometido a que si resulta reelegido no bajará más el salario a los empleados públicos. **"Yo a los funcionarios no les voy a pedir más esfuerzos desde el punto de vista retributivo. Ya han hecho bastante"***

Fonte: Faro de Vigo 29/08/2012

Decembro de 2012 tras gañar as eleccións autonómicas Feijóo fai:

El sueldo de los funcionarios se reducirá un 4%

La Xunta calcula con esta medida ahorrará unos 125 millones de euros

EUROPA PRESS Los funcionarios afrontarán una reducción media del 4% de su salario en 2013, una medida con la que la Xunta calcula que ahorrará 125 millones de euros, según ha explicado este viernes la conselleira de Facenda, Elena Muñoz, tras reunirse con los sindicatos UGT, CC.OO.Y CIG y con el presidente de la patronal.

En respuesta a preguntas de los medios, Muñoz ha explicado que los funcionarios verán recortadas el próximo año un 40% sus dos pagas extras, una rebaja que se aplicará mediante los complementos específicos.

Fonte: Faro de Vigo 21/12/2012

FEIJÓO, PAGA O QUE DEBES